



ETNOHISTORIAS | ETHNOHISTORIES

Chico

Ngäbere

AUTOR / AUTHOR:

Roger Séptimo Jiménez – Ingeniero Agrónomo / Agricultural engineer


EDITORA / EDITOR:

Luz Graciela Joly Adames – Antropóloga / Anthropologist, Ph.D.



Ni gä krörö nomlen nünen Ungüentü ngrabre, ni nebra nguitegrä döguäi nguarabe nomlen sribire mütü nguibiare riba madagrä. Akua nguitegrä ne abogo töi ñó gare ñácara ribanga ye.

Nguitegrä ne kägüe ju kurinse meguera Remedios nie. Nomlen ja clavoire ribagüe sribire, kontdi nomlen mütü güete gore.



Matdare sulia ngüian bogänlen kriégri kotda ribangan mie sribire jai se krere kontdi kugüe nögalingä. Chico nie abogo güe ju kugualin ribangangän biti nangua müegäte kädrie meguera. Nara tänlin mütü güete biti tänlin nebe niere mütü bogänye.


Mütü tänlin nente tänlin nebe niere käre ribaye. Ne abogo käre bata mütü bogängüe ni mada miri nguibiare, era bongälen mütü nomlen nente ya, nomlen jrainen abogo riba mada jualin nguibiare. Ne-amlen ñara tänlin mütü güete biti tänlin riba ngögüe nguarabe.

Nomlen mütü güen biti nomlen grie ügue, kä nüalin dobote kue te nomlen grí doboimete abogo nomlen dengäta kuin dibire. Krere kontdi kualin mütü grie dengä kuin ribaye. Riba nigalinta kägüe niebareta mütü bogänye, kontdi monso juilín ie miadre güete gare.

Ribanga nü töen, kä nigi ngüenan modäbata, jäguei tementda ngingrabre gäre. Kö guiti bata biti diri modäbata jänigui. Ribagüe modä metalin jatalin jä nigalin vetegä, ñara kägüe ja krialinte arato nigalin vetegä modä batá ribaye. Nin nabalin jägolin temen ribaye ngingrabre, ne krere nigalin nebe jutatde Remedios, kontdi miri mada güite. Akua ñara tänlin nguitie ta, bata ribanga güi nainte nguibiare, amlen ribanga mädä namanlin bata kägüe ngualintari ie nuendre amlen götare niebare ie. Nara kägüe niebare migä nõtare mägäi ere jabata biti oguäbügadregä amlen ja götadre niebare kue. Ribanga tö namanlin kuguainsei kägüe nuembare bogänlen bata. Migä mogälintde ere bata biti oguabügalingä ñara nigalin vetegä jiriäbe, nigalin ñüguä guetegä jubata niguen kä ngrabre temen. Ju oguäbügalingä jogrä kue biti nögalingä quinta nigalimbe Müegäte nebiti töalintda ñagare mada biti kä nügue krörö ne.

Nigalin be käregäre. Nebiti meguera amlen mren ngö nomlen nebengä möta, Müegäte amlen ngäbe nomlen neve niere Chico nibi robom Müegäte nomlentre nebe niere. Tä nire akua tä nünen mrente nienri meguera abogo biti kä nügue ne.





Luz Graciela

CONTENIDO DE DOMINIO PUBLICO
PUBLIC DOMAIN CONTENT

